



Халқ сўзи

Ўзбекистон –
келажаги
буюк
давлат

2021 йил – Ёшларни қўллаб-қувватлаш ва аҳоли саломатлигини мустақамлаш йили

1991 йил 1 январдан чиқа бошлаган

WWW.XS.UZ

E-mail: Info@xs.uz

2021 йил 29 январь, № 20 (7800)

Жума

Сайтимизга ўтиш учун QR-кодни телефонингиз орқали сканер қилинг.



ЎЗБЕКИСТОН ВА КОРЕЯ ПРЕЗИДЕНТЛАРИНИНГ САММИТИ БЎЛИБ ЎТДИ

Ўзбекистон Республикаси Президенти Шавкат Мирзиёев 28 январь куни
Корея Республикаси Президенти Мун Чже Ин билан видеоанжуман шаклида учрашув ўтказди.



Ушбу саммитни ўтказиш тўғрисидаги келишув давлат раҳбарларининг ўтган йил октябрь ойидаги мулоқотлари давомида эришилган эди.

Музокаралар кун тартибидан Ўзбекистон ва Корея ўртасидаги кўп асрлик дўстлик ва алоҳида стратегик шериклик ришталарини ривожлантириш ва мустақамлашни долзарб масалалари ўрин олди.

Давлат раҳбарлари тадбирни очиб, бир-бирларини самимий куллар эканлар, ушбу саммит кириб келган янги йилда иккала томон учун ҳам биринчи учрашув эканини қайд этдилар. Бу икки томонлама ҳамкорликда жуда юксак даражага эришилганидан яна бир бор далолат беради.

Таъкидланганидек, кўп қиррали Ўзбекистон – Корея муносабатлари, пандемияга қарама-қарши, изчил ривожланишда давом этди. Ўтган йили давлат раҳбарлари телефон орқали икки марта мулоқот қилдилар ҳамда Шимолий Иқтисодий ҳамкорлик иккинчи халқаро форумида биргаликда иштирок этдилар.

Мураккаб шароитларда йирик инвестиция ва савдо лойиҳаларининг амалга оширилиши таъминланди, янги кооперация объектлари ишга туширилди. Жанубий кореялик шерикларнинг кўмаги ва иштирокида Ташкент шаҳрида ташкил этилган, минтақамиз учун ноб бўлган замонавий

болалар кўп тармоқли тиббиёт маркази шулар жумласидан.

Ўзбекистон Президенти корейс томони янги коронавирус инфекциясига қарши курашиш борасидаги халқаро саъй-ҳаракатларга салмоқли хисса қўшаётганини юксак баҳолади ҳамда ушбу хавфли касалликнинг олдини олиш, унга чалинганларни самарали даволаш ва реабилитация қилишда мамлакатимизга кўрсатилаётган катта амалий қўмак учун миннатдорлик билдирди.

Давлат раҳбарлари икки томонлама муносабатлар борасида сўз юритар эканлар, алоҳида стратегик шериклики янада мустақамлаш ва ҳамкорликни ҳар томонлама кенгайтириш тарафдори эканликларини таъкидладилар.

Мунтазам сиёсий маслаҳатлашувларни давом эттириш ва парламентлараро аламунавларини фаоллаштириш, мамлакатларимиз ўртасида дипломатик муносабатлар ўрнатилганининг 30 йиллигига бағишланган икки томонлама тадбирлар дастурини тайёрлаш юзасидан келишувларга эришилди.

Олий, касб-хунара ва мактабгача таълим, соғлиқни сақлаш, маданий мерос объектларини рақамлаштириш ва реставрация қилиш соҳаларидаги ҳамкорликнинг жорий ва истиқболли дастурлари кўриб чиқилди.

Президентлар Ўзбекистон ҳудудларида Жанубий Корея етакчи университетларининг филиаллари ва кадрларни профессионал тайёрлаш бўйича қўшма марказлар сони ортиб бораётганини мамнуният билан қайд этдилар. Мамлакатларимизнинг етакчи олий таълим муассасаларида ўзбек ва корейс тилларини ўқитишни кенгайтиришга, шунингдек, корейс диаспорасини ҳар томонлама қўллаб-қувватлашга алоҳида эътибор қаратилди.

Иқтисодий соҳада Ўзбекистон ва Корея ҳукуматлари ва идоралари даражасида йўлга қўйилган самарали ишлар қайд этилди. Президентлар инвестиция лойиҳаларини илгари суриш ва юзага келадиغان масалаларни тезкор ҳал қилиш мақсадида ушбу мулоқотларни давом эттириш топширигини бердилар.

Таъкидланганидек, жорий йилда жанубий корейлик ҳамкорлар иштирокида амалга оширилган лойиҳалар доирасида жами 400 миллион долларгача инвестицияларни ўзлаштириш кўлимоқда.

Бундан ташқари, юқори технология соҳаларида, шу жумладан, энергетика, нефть-газ, кимё ва нефть-кимё, фармацевтика, қайта ишлаш sanoati, қишлоқ хўжалиги, инфратузилмани модернизация қилиш, транспорт ва логистика, туризм ва қўллаб-қўзғатилган иқтисод тармоқларида қўймати жами 3,4 мил-

лиард доллардан зиёд бўлган 55 та янги лойиҳа тайёрланмоқда.

Икки томонлама устувор дастурларни амалга оширишда Иқтисодий ҳамкорликни ривожлантириш фонди (EDCF) ва Корея халқаро ҳамкорлик агентлиги (KOICA) билан самарали шериклик олиб борилаётгани юксак баҳоланди.

Давлат раҳбарлари ўзаро савдо ҳамжамини кўпайтириш муҳим эканини таъкидладилар. Кейинги йилларда товар айирбошлашда рекорд кўрсаткичларга эришилди.

Экспорт-импорт амалиётлари ўртасидаги номуносибликни теқислаш ва уларнинг номенклатурасини диверсификация қилиш масалалари, қишлоқ хўжалиги маҳсулотларини етказиб бериш ҳамжамини ошириш учун фитосанитария хизматларининг ҳамкорлигига алоҳида эътибор қаратилди.

Шу мақсадда томонлар эркин савдо тўғрисидаги икки томонлама битимни имзоланган музокараларни бошлайдилар.

Президент Мун Чже Ин Ўзбекистоннинг Жаҳон савдо ташкилотига аъзо бўлиши масаласига ҳар томонлама қўмаклашишини яна бир бор таъкидлади.

Саммит чоғида глобал ва минтақавий аҳамиятга эга масалалар юзасидан ҳам фикр алмашилди.

Томонлар БМТ ва бошқа халқаро тузилмалар доирасида, шунингдек, юқори технологиялар, “яшил” ва рақамли иқтисодиёт соҳаларидаги дастурларни илгари суриш мақсадида “Корея Республикаси – Марказий Осиё” ҳамкорлик форуми доирасида яқиндан ҳамкорликни давом эттирадилар.

Ўзбекистон Республикаси Президенти Сеулнинг Корея яриморлидаги вазиятни тинч йўл билан ҳал этиш борасидаги саъй-ҳаракатларини доимо қўллаб-қувватлашини таъкидлади. Томонларнинг минтақавий ўзаро боғлиқликни кучайтириш бўйича ташаббуслари юксак баҳоланди.

Давлат раҳбарлари экология соҳасидаги ҳамкорлик, шу жумладан, Орёлбўйи минтақаси учун инсон хавфсизлиги бўйича кўп томонлама шериклик асосида траст фонди фаолиятини қўллаб-қувватлаш масалаларига алоҳида тўхталдилар.

Булаёқ олий даражадаги тадбирлар режаси кўриб чиқилди. Президент Мун Чже Ин Президент Шавкат Мирзиёевга ўзи учун кулай бўлган давлат Корея Республикасига ташриф билан келиш тўғрисидаги таклифини таъкидлади.

Саммит якунида “Тўртинчи sanoat инқилоби”га қўмаклашиш мақсадида рақамлаштириш соҳасидаги ҳамкорлик тўғрисида меморандум, EDCF билан

ҳамкорлик бўйича уч йилга мўлжалланган 1 миллиард долларлик дастурни амалга ошириш бўйича битим, замонавий кўп тармоқли клиника ва лойиҳавий институт – Кимёвий технологиялар марказини қуриш лойиҳалари бўйича заём битимлари имзоланди.

Бундан ташқари, етакчи компаниялар даражасида мамлакатимиз энергетика инфратузилмасининг муҳим объектларини модернизация қилиш тўғрисидаги битимлар имзоланди.

Давлат раҳбарлари ҳар доимгидек очик, самимий, конструктив ва дўстона муҳитда ўтган саммит якунларидан мамнун эканликларини қайд этдилар.

Томонлар онлайн-музокаралар ўз вақтида ўтказилгани ва натижадорлиги жиҳатидан юзма-юз учрашувлар амалиётдан қолтирилганини таъкидладилар.

Президентлар дўстлик ва кенг кўламли шериклик алоқаларини мустақамлаш, биродар мамлакатларимиз ва халқларимиз фаровонлиги йўлида ўзаро манфаатли ҳамкорлик муносабатларини сифат жиҳатидан янги босқичга кўтаришда қатъий эканликларини яна бир бор таъкидладилар.

Ў.А.

Ўзбекистон Республикаси Президенти Матбуот хизмати суратлари.

Ўзбекистон Республикаси Президентининг ҚАРОРИ ИНТЕЛЛЕКТУАЛ МУЛК ОБЪЕКТЛАРИНИ МУҲОФАЗА ҚИЛИШ ТИЗИМИНИ ТАКОМИЛЛАШТИРИШ ЧОРА-ТАДБИРЛАРИ Тўғрисида

Интеллектуал мулк соҳасини ривожлантириш мамлакатимизнинг жаҳон интеграциясидаги асосий омил эканлигиндан келиб чиқиб, интеллектуал мулк объектларини муҳофаза қилиш тизимини такомиллаштириш, шунингдек, 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларни изчил амалга ошириш мақсадида:

1. 2021 йил 1 апрелдан бошлаб:

интеллектуал мулк соҳасидаги халқаро шартномалар нормаларидан келиб чиқиб, товар белгиси ва хизмат кўрсатиш белгисининг фақат тадбиркорлик фаолиятини амалга ошираётган юридик ёки jisмоний шахс номига рўйхатдан ўтказилишига нисбатан қонунчиликдаги мавжуд чекловлар бекор қилинсин;

интеллектуал мулк объектларини давлат рўйхатига олиш муддатларини кескин қисқартириш имкониятларини яратувчи тезкор экспертиза тартиби жорий этилсин. Бунда интеллектуал мулк объектларини муҳофазага олиш учун топширилаётган талабнома бўйича дастлабки қидирув томонларининг келишувига мувофиқ амалга оширилиши назарда тутилади.

2. Адлия вазирлиги хузуридаги Интеллектуал мулк агентлиги (кейинги ўринларда — Агентлик) фаолиятида интеллектуал мулк объектларига талабномаларни давлат экспертизасидан ўтказиш жараянида аутсорсинг усулларини қўллаш тажрибаси йўлга қўйилсин.

3. Қуйидагилар:

Интеллектуал мулк муҳофазасини мустақамлаш ва замонавий ахборот-коммуникация технологияларини жорий этиш бўйича “Йўл харитаси” 1-иловага мувофиқ;

(Давоми 2-бетда)

«Халқ сўзи» учун махсус

ЎЗАРО ҲАМКОРЛИК ТАРИХИДА МУҲИМ ВОҚЕА

Ўзбекистон Республикаси Президенти Шавкат Мирзиёев ва Корея Республикаси Президенти Мун Чже Ин ўртасида бўлиб ўтган онлайн-саммит Жанубий Корея ижтимоий-сиёсий ва эксперт доиралари вакилларининг диққат марказида бўлиб турибди.

Ли Кён Сик, «The Korea Post» журнали президенти ва ношири:

— Жанубий Корея ва Ўзбекистон ўртасидаги анъанавий дўстона ва сермазмун муносабатлар коронавирус пандемияси туфайли дунёда юзага келган буғунги вазиятга қарама-қарши жадал сурғатларда ривожланаётганини мамнуният билан қайд этиш керак. Мамлакатларимиз раҳбарлари ўртаси-

даги бевосита мулоқот алоҳида стратегик шериклик алоқалари ва ўзаро ҳамкорликни янада мустақамлашда беқиёс аҳамиятга эга.

Онлайн-саммит икки томонлама кун тартибининг долзарб масалалари бўйича фикр алмашишга қулай имконият тақдим қилганини таъкидламоқчиман.

Унда эришилган келишувлар мамлакатларимиз ўртасидаги ҳамкорликни



Ли Кён Сик

янада изчил ривожлантиришга қўшимча туртки беришига аминман. Шунингдек таъкидлаш кераки, Ўзбекистон Корея Республикаси томонидан «Янги шимолий сиёсат»ни амалга оширишда Марказий Осиёда асосий шерик ҳисобланади.



Давра суҳбати

САЙЛОВ ҚОНУНЧИЛИГИНИ ТАКОМИЛЛАШТИРИШ ДЕМОВАТИК ИСЛОҲОТЛАР ГАРОВИДИР

Ўзбекистон Республикаси Фанлар академияси Давлат ва ҳуқуқ институти, Инсон ҳуқуқлари бўйича Ўзбекистон Республикаси Миллий маркази, Наманган давлат университети, Термиз давлат университети, Нукус давлат университети ҳамда Самарқанд давлат университети ҳамкорлигида “Ўзбекистон Республикаси сайлов қонунчилиги: ҳолати ва истиқболлари” мавзуда давра суҳбати ўтказилди.

“Zoom” онлайн платформаси шаклида ташкил этилган ушбу тадбирда Олий Мажлис

Қонунчилик палатаси депутатлари, институт ва марказ ходимлари, юридик соҳада фаолият юри-

тувчи таниқли олимлар, экспертлар ҳамда амалиётчилар қатнашди.



Мулоқот

ЎЗБЕКИСТОНДА ГЕНДЕР ТЕНГЛИКНИ ТАЪМИНЛАШ СОҲАСИДА ОЛИБ БОРИЛАЁТГАН ИШЛАР ЮҚОРИ БАҲОЛАНДИ

Кеча Олий Мажлис Сенати Раиса Танзила Норбоева ва БМТнинг Гендер тенглиги ҳамда аёллар ҳуқуқ ва имкониятларини кенгайтириш масалалари бўйича тузилмаси (“БМТ — аёллар”) Европа ва Марказий Осиё мамлакатлари минтақавий директори Алия Эл-Яссир билан видеоконференцалоқа шаклида мулоқоти бўлиб ўтди.

Унда БМТнинг Ўзбекистондаги доимий координатори Елена Фрейзер ҳам иштирок этди. Тадбир иштирокчилари “БМТ — аёллар” тузилмаси доирасида гендер тенгликни қўллаб-қув-

ватлаш ҳамда хотин-қизлар ҳуқуқ ва имкониятларини кенгайтириш бўйича ўзаро ҳамкорликни янада ривожлантириш масалаларини муҳкама қилдилар.



